

EKQM ANDITIENE-CHRIST

Psalm 107:1-43

QYQHQ UKPEP-ŊKPQ 47

Eke Ikpọ Owo

IKQ IBUOT: “Yak kpukpru ŋkpọ eke eduokde ibifik etoro Jehovah. Mbufo etoro Jehovah” (Psalm 150:6).

I Enọ Item Ete Etoro Abasi

- 1 Mbọm Esie odot ekọm nnyin, Psalm 107:1; 103:17; 50:14; Esem Jeremiah 3:22, 23; Deuteronomy 6:7; Titus 3:5-7; Matthew 10:32
- 2 Etoro Enye ke akwa ufak, Psalm 107:2-5; 130:7; Luke 2:36-38; 1 Nwed Corinth 1:30; Mme Hebrew 9:12
- 3 Nnyin ikpowut esit ekọm nnyin ke erifak emi efakde nnyin esio ke afanikọn, Psalm 107:6; 50:15; 2 Chronicles 20:20-22; Daniel 3:27; 6:22; 2 Nwed Timothy 4:18
- 4 Enye edi akwa Ada-usuñ nnyin, Psalm 107:7; 77:20; 1 Samuel 2:9; Luke 24:50
- 5 Nnyin ikpenyene ndikọm Abasi, koro Enye ofonde, Psalm 107:8, 9; 92:1, 2; Nwed Mbon Rome 8:28; Utom Mme Apostle 10:38

II Mme Uwut-Ŋkpọ Akpanikọ Abasi

- 1 Mfọn Esie ebe osim kpa mbon nsọñibuot, Psalm 107:10-16; Nehemiah 9:16, 17, 26, 27
- 2 Mme idiok owo emi edade ukut enọ idem mmọ etiene ebuana, Psalm 107:17-22; Mme Nke 13:15; Micah 7:18
- 3 Enye akara mme utom obot onyũ anam oyobio odop, Psalm 107:23-32; Mme Nke 30:4; Matthew 8:27; Mark 4:39
- 4 Ukwañ-ŋkpọ mme owo anam eti isọn akabare edi idiok, Psalm 107:33, 34
- 5 Mbọm Abasi anam akai-ikot akabare ofon, Psalm 107:35-38; Isaiah 35:1, 2; 51:3

III Mme Edinam Esie Ye Owo

- 1 Enye etiñ ikọ onọ mme owo ebe ke ŋkpuhọ-ŋkpuhọ usuñ, Psalm 107:39; 94:12; Mme Nke 3:11, 12
- 2 Abasi iteñeke owo enyin, Psalm 107:40; Utom Mme Apostle 10:34; Nwed Mbon Ephesus 6:9
- 3 Enye ama mme ubuene edi okibi mme anam-idiok inua, Psalm 107:41, 42; James 2:5; Job 5:16
- 4 Ntiñ-enyin ke mme ŋkpọ Abasi ada owo osim ifiok usuñ Esie, Psalm 107:43; Daniel 12:10; Jeremiah 9:23, 24; John 8:31, 32.

SE EKPEPDE EBAÑA

Edisana Ikọ Abasi qyqhọ ye ata nti item. Enye ekpep owo nte edude uwem onyũ edi andida nnyin usuñ nsim ebiet iduñ ke heaven. Edi se idotde ndinim ke akpanikọ nnyũ mbọ ofuri Ikọ Abasi nsin ke esit nnyin, idighe nditre ndinam baba ubak kiet ke Ikọ Abasi. Ke Eriyarare 22:18-19, eneñere etiñ ańwańa onọ nnyin ete ke ofuri Ikọ Abasi odot onyũ ekem ndinọ nnyin kpukpru nda-usuñ ndiduk ke Ubọñ.

Ntem ke Psalm emi ekpep nnyin ndinọ Abasi ekọm, nditoro nnyũ ŋkpono Enye. Mme itoro emi nnyin itorode Abasi edi kiet ke otu mme mfri eti ifiok emi inyenede ito Qbọñ. Edieke edade nnyin edian ye Ata Vine nnyin imenyene mfri Ata Vine. Edieke erinyańa nnyin midighe akpanikọ, me nnyin iyakde enye iduok, ndien nnyin iduok iduk ke itie mfiakedem, ekọm nnyin idighe akpanikọ onyũ okure ke ndiyomo nte okpoho me nte akpańkpań. Edieke idara Abasi midighe odudu nnyin, Spirit Esie ididuhe ke ikọ-ntiense nnyin. Edemere onyũ emenere ukpọn owo didie, ndien akande oro, enem didie Qbọñ ke utọn ke ini ikot Esie etorode Enye ke isọn! Edieke qdọnde nnyin ndikwọ itoro nnyũ ntuaak ibuat ke iso Ebekpo Heaven ke ofuri unana-utit nsinsi ini, odot nditoqo edinam nnyin mi idahaemi.

Ntọtũqo idara odu ke erinyańa. David ama qdiqñq emi, ŋko enye ama anam akpanikọ ekem ke ndinyime ete ke imọ ima iduok erinyańa imọ, onyũ qbọn akam ndifiak nnyene enye. Enye ama qdohọ ete (Psalm 51:12), “Tqñq ntak nọ mi idara erinyańa Fo.” Abiańa andidiok odu emi anamde mme owo enim ke akpanikọ ete ke idara ye inemesit edi se ekemede ndikut ke idiok-ŋkpọ ikpọn-ikpọn. David ama enyene idara, qduok enye, onyũ okut idemesie ke ŋkpokobi Satan, emi qyqhode ye mfuhọ ye ukut. Enye ama qdiqñq ukpuhore emi odude ke ufot mfri idiok-ŋkpọ ye emem Abasi. Akpa Psalm etiñ onọ nnyin enye emi edide owo idaresit. Ke ini nnyin isobode ye

Christ, Iyip Esie onyũ odude ke itim ye obubok esit nnyin, edi idara nnyin ndinam uduak Esie ke kpukpru nkpo, emi edide ediwt esit ekom nnyin ke utibe erifak nnyin nsio ke ukara asua, ye mfɔn erinyaña.

Ada ata akamba ini nditi mme utibe edidiɔn Abasi. Ifiok edinam nkpo nnɔ Jesus ke ediwt ibat isua edi utibe, edi nte nnyin imɔdiɔn mme edidiɔn emi eñwañade enɔ ke uwem nnyin ke ini ke ini? Kam dop kere. Ke ofuri akpanikɔ, nnyin ikpenyene “ndinɔ ABASI ekom koro Enye ɔfɔnde.”

Ediwt ini ke iyomde nkpo ito Abasi, ikpede ubok ke iso ebekpo, ɔkpɔfɔn nnyin nditi item Esie, nditoro.

Psalm 107 ɔyɔhɔ ye mme ntak emi nnyin ikpotorode Abasi. Enye obok ikɔt Esie, ɔbok mmɔ ke Uyo Heaven, afak mmɔ osio ke nnanenyin mmɔ, ada mmɔ usuñ nte enende, ɔfɔn ido kpa ye mbon mfiakedem emi eyode ekpɔn usuñ enyũ edemerere eduk ke afanikɔn ye nnanenyin. Ke afañ esie 9, nnyin ikot, “Koro enye ɔyuhɔde ukpɔn udɔn, onyũ ada eti nkpo ɔnɔ ukpɔn ɔ-biɔn ɔyuhɔ.” Abasi ama esit emi okopde biɔn, nko mme edidiɔn edu ke ubet unim-nkpɔ ɔnɔ owo emi edide etiene Enye ye utɔ esit emi (Luke 1:53). Enye inamke oyobio ikpɔn odobo, edi ke odukde ke esit, Enye nko anam oyobio iyaresit idiok-nkpɔ ye mfuhɔ edobo. “Ndien mmɔ edat esit koro mmɔ enade suñ.”

Ini iduhe eke ɔfɔnde akan idahaemi nditoro Abasi. Spirit edituak ibwt ye ekom osuk ododu emi otode ke esit owo Abasi ɔdɔk, edi ɔfɔn ndisioro uyo ñwt itoro emi odude ke esit. Abasi ama itoro, eyenyũ okpono owo emi emenerere uyo otoro Edisana Enyĩn Esie. Nnyin imokut añwa-añwa mfut mba Esie ye mbukpɔn nsinsi ubok Esie ke mme usen uwem nnyin, inyũ idɔhɔ ye Andiwet Psalm ite, “O mbufo ekom Jehovah; ekot enyĩn Esie: etaña ese Esie ke otu mme idut. Ekwɔ enɔ enye, ebre enɔ enye: ekere kpukpru mme utibe nkpo Esie” (Psalm 105:1, 2).

MME MBUME

- 1 Nso item ke Psalm 107 ɔnɔ kpukpru owo?
- 2 Nte Spirit item emi odu ke uwem mmɔ emi efakde?
- 3 Mme utibe eñwɔnɔ edu ke Psalm emi. Bat mmɔ.
- 4 Nso ke ñsɔñibwt ye Ikɔ Abasi ediwtɔrɔ?
- 5 Nam añwaña se ekpenyenede ndinam ke ini owo odude ke afanikɔn.
- 6 Nso utip ke ekere ndibɔ nto edinam emi?
- 7 Nso ke ewet ke Psalm emi ebaña editiñ ikɔ-ntiense ke ufɔk-Abasi?
- 8 Nso ke mmɔ emi efakde edinam ke Heaven ke nsinsi?
- 9 Nte nnyin imodot ke usuñ ekededi nditoro Abasi?